

vitali, demum fit *animal*; ita hîc, si articulatio sonum de se indeterminatum certo modo determinaverit, distincta quidem resultat entis orationalis species, nempe *Vocabulum*, sed adhuc ἀσημαντικόν, quasi mortuum seu vitâ destitutum, accedente verò per hominum impositionem & consensum ipsâ significativitate, vera demum fit *Vox*, h. e. vivum vocabulum, ad quod congruit Aristotelis definitio, *Vox est sonus articulatè formatus significans ex instituto*, libro *ᾠῆς ἐγμύου*:

(2) *Integralia, instar Atomorum*

§. 3. Sicut autem in genere Physicarum rerum ipsum corpus naturale, si seorsim & in se spectetur, suis *Elementis*, quæ Democritus olim dixit *Atomos* h. e. moleculas seu corpuscula quasi seminalia, suâ quidem extensione constantia, licet visum nostrum planè subterfugiant, interim *Ἄγ' τὴν σκληρότητα* propter duritiem, in superiores partes nequaquam divisibilia h. e. frangibilia, quæ juxta suarum figurarum rationem, accedente motu, vel relicta quiete, vel utriusq; constitutâ temperie, aut in certam corporis naturalis speciem compositam alia cum aliis certo modo sic disposita coalescant, aut ipsa, unius generis omnia, speciem de se absolvant simplicem: Similiter etiam voces seu vocabula si seorsim & in se spectentur, *Elementis* constant quæ dicuntur *Literæ*; suntque Literæ ferè eodem modo quædam quasi corpuscula (simili utor) seminalia, in partes superiores non divisibilia, certis figuris h. e. modulationibus ab instrumentis loquelæ formabilib⁹ prædita, juxta quas, accedente motus & quietis congruâ temperie, certam vocabulorum & orationis speciem simplicem aut compositam alia cum aliis certo modo sic disposita, aut etiam pro se singula, quasi formaliter constituunt.

Figura, instar corporum Regularium 5. 6.

Congruorum 10. sunt

§. 4. Cæterum ut Corpusculorum seminalium quinque tantum sunt regularia 1. *Tetraëdron*, 2. *Hexaëdron*, 3. *Octaëdron*, 4. *Dodecaëdron*, 5. *Icosiedron*: Corpora dicta *Platonica*, quorum formæ perfectio est à *Sphæra*, cui cum stellis regularibus, quæ ex iis coalescunt, sunt inscripibilia; reliqua quotquot cogitari possunt irregularia sunt, sed inter hæc *10. sunt* *decim* inveniuntur congrua: *Cubus*